

DNT GUDBRANDSDALEN

Årsmelding 2023



Foto: Helle Hovden

Bilete er teke av Helle Hovden på turen frå Sota Sæter til Dønfoss via Tundradalen i mars 2023

DNT Gudbrandsdalen



DNT Gudbrandsdalen i 2023

Familietur til Trabelifjella



Året 2023 har tradisjon tru vore eit år med mange turar og mykje aktivitet i DNT Gudbrandsdalen. I løpet av året vart det gjennomført 50 turar og 4 kurs som fekk 1056 store og små ut på tur.

Nytt for året var at turprogrammet kun var digitalt og fristen for turleiarar til å melde inn turar var meir flytande. Det trykte programmet vart djupt sakna og er attende i 2024.

Tusen takk til alle frivillige som bidreg til eit innhaldsrikt turprogram for alle aldre og formnivå.

Aktivitet gjennom året

Seniorgruppa

Seniorgruppa har varierte turar heile året og arrangerte i år til saman 10 turar. Året starta med tur i Krokhaugen på Harpefoss der Solveig og Kristen Brendhaugen var turleiarar. Leiar for seniorgruppa, Gitte Bertelsen, hadde i februar måneskinntur på truger til Øvre Skar. Ut på sommaren var det tur til Kleivsetra, Rudiomnan og Peer Gynt stien. Arne Skuterud leia tur fra Toksesetra til Tjønnseterfjellet.

Dei som deltok på langhelga på Runde fekk eit nydeleg vær og ei flott oppleving. Tapasturen i september har vorte ein tradisjon og samla i år heile 28 turglade seniorar.

Dugnadsgruppa

Det blir kvart år lagt ned ein stor innsats i dugnadsgruppa for å halde Peer Gynt stien rydda og merka. I år bidrog uværet Hans til å gjera jobben ekstra krevjande og dette arbeidet tok til saman 100 timar. Takk til leiar i stugruppa Helle Hovden og dei 18 frivillige for innsatsen.

I tillegg til dugnad i Øvre Skar både vår og haust er det jevnlig tilsyn gjennom sommaren. Det vart lagt ned over 100 timar i dugnadsinnsats for å bevare Øvre Skar som ein triveleg plass for besøkande.

Dugnadsgruppa med Kristen Brendhaugen i spissen, har også brukt over 125 timar på å bygge ein flott gapahuk ved Svintjønn.




Foto: Magnar Bratlien

Gapahuken ved Svintjønn



Foto: Helle Hovden

Dugnad i Øvre Skar.
F.v. Magnar Bratlien,
Kristen Brendhaugen og
Solveig Brendhaugen

Aktivitet gjennom året

Helgeturar



Seniorgruppa har i fleire år arrangert tur ei langhelg i juni. I år gjekk turen til øya Runde der turleiarane Gitte Bertelsen og Kari Kjøde Enger tok med 3 damer og ein mann på fotturar, såg på fuglar, natur og kultur.



Siste helga i september inviterte turleiar Monica Moer til yoga og fjellhelg på Slangen seter. Alle 7 som deltok denne helga hadde storkosa seg og har alt planlagt ny helg i 2024.



Geirangerhelg i juni har vorte ein tradisjon. I år gjekk turen laurdag til Vinsåshornet. Sundag var det tur til Homlungsetra og Skagedalssætra. Dette er populære turar med godt frammøte og mange vel å gjera som turleiarane Monica Moer, Nils Arne Haugen og Arnt Sveen og overnatte i Geiranger.



Prideruta 2023

I samband med FjellPride på Sota Sæter arrangerte DNT G for andre år på rad langtur i forkant av festivalen. Turen starta med middag og bli kjentkveld på Sota. Vidare gjekk turen frå Billingen til Veldalshytta, Reindalsseter, Danskehytta og til Grotli. Til tross for ruskete vær ein fin tur i Tafjordfjella med heile 21 deltakarar. Takk til Silje-Håvard Bolstad, Dag Terje Klarp Solvang og Åsmund Steen som var turleiarar saman med Anita Haugen.

Aktivitet gjennom året

Fjellsport



Foto: Helle Hovden

I mars gjekk ein sprek gjeng på 9 stk saman med turleiar Arnt Sveen på fjellski frå Sota Sæter via Tundradalen til Dønfoss. Ei flott oppleving med fin utsikt.



Foto: Anita Haugen

Besseggen på ski siste helga i mars vart ein krevjande tur med varierende sikt og glatte steinar opp brattaste partiet av eggen. Alle 12 deltakarane fullførte med stil og er av få som har gått Besseggen utan å møte andre enn dei som var med i turfølget. Arnt Sveen og Anita Haugen var turleiararar.

Stolpejakt

Andre året med stolpejakt utvida vi frå Lom til å arrangere stolpejakt i Skjåk og Lesja også. Ein stor takk til 12 frivillige som har sett ut til saman 1 65 stolpar i dei tre kommunane. Desse har vore besøkt av totalt 3682 stolpejagarar som har scanna stolpane over 43 000 gonger. Å kunne tilby turorientering gratis gjennom stolejaktappen er eit fantastisk folkehelseiltak.



Foto: Eva-Britt Risse

Litt fakta for spesielt interesserte:

I Lom var det 51 stolpar. Det vart registrert 2342 stolpejagarar og til saman 22 245 besøk. Det var heile 36 stk som besøkte alle stolpane. Den mest besøkte stolpen var ved Utleggsbrua (1849 stk) og den minst besøkte var Olavstein (83 stk).

I Skjåk/Dønfoss var det 65 stolpar. Det vart registrert 991 stolpejagarar og til saman 14 813 besøk. Det var heile 31 stk som besøkte alle stolpane. Den mest besøkte stolpen var ved Kraftstasjon (540 stk) og den minst besøkte var Øybergsturdi (65 stk).

På Lesja var det 49 stolpar. Det vart registrert 867 stolpejagarar. Det var 14 stk som besøkte alle stolpane. Den mest besøkte stolpen var Kyrkehølen (268 stk) og den minst besøkte var Hyrjonfossen (55 stk).

Tusen takk til lokale bedrifter som bidreg med sponning mot reklame på stolpane.

Aktivitet gjennom året

Kom deg ut-dagen

Den nasjonale Kom deg ut-dagen blir feira over heile Noreg både vinter og haust.

I Gudbrandsdalen vart dagen i februar markert med akedag i Trabelia på Venabygdsfjellet og Skilek på Gåå skiarena. Til saman tok over 100 små og store turen ut og kosa seg med grilling og lek ute.

I september samlast nærmare 40 stk rundt bålet i gapahuken i Ulbergskogen. Takk til Therese Klaussen og Tuva Brevik Løkken som år etter år stiller opp med pølser, quiz og bidreg til at Kom deg ut-dagen blir ein fin dag for barnefamiljar.



Foto: Tuva Brevik

Ungdom

DNT Gudbrandsdalen bidreg til å få fleire ungdommar ut på tur så dei kan bli kjent med og oppleve den flotte naturen vi har rett utanfor døra vår her vi bur.

I mars hadde vi ein ung turleiar som tok med 6 stk på Randotur til Ljosåbelgen. I haustferien arrangerte vi i samarbeid med Iver i firmaet Fyrst og Fremst ungdomstur til grottene i Dumdalen og Bretur på Bøverbreen.



Foto: Anita Haugen

Da 10. klasse frå Skjåk var på snøholtur bidrog DNT G med skredkurs. Dagen etter overnatta elevane i Slæom og lærte om sjølvbetjente hytter.

Det var også planlagt randohelg for ungdom i Glitterheim, klatring i Lom, tur til Vesle Galdhøpiggen, overnatting på Fanaråken og Pridetur frå Jostedalen til Sota. Desse turane vart avlyst grunna svært få påmeldte. Vi når truleg ikkje godt nok ut med tilbodet og mange ungdommar melder frå at dei er opptekne med jobb i ferien.

Born og bornefamiljar



Foto: Anita Haugen

Det er ofte godt frammøte på turar og arrangement for born og bornefamiljar. På familieturen til Galdhøpiggen i slutten av juli var heile 43 små og store frå seks år og oppover samla på toppen av Noregs høgaste fjell. Turen gav mykje vær, mange sjokoladebitar og store smil.



Foto: Arnt Sveen

Nisseturen i Skjåk vart gjennomført i striregn på glattisen. Til tross for dette stilte heile 85 stk opp for å få eit glimt av nissen og helse på reinsdyret Nils.

Aktivitet gjennom året

Turen til Trabelia har vorte ein gjenngangar og samla også i år 17 stk til ein fin familietur.



Foto: Heidrun Israelsen

I sommarferien stilte Oda E. Vollan og Bjørn Slåen som turleiingar på overnattingstur for barnefamiljar til Rondvassbu. Etter ein fin sykkeltur innover, middag og ei god natt søvn, gjekk turen til Veslesmeden 2015 moh.

Friluftsskolen



Foto: Heidrun Israelsen

Friluftsskolen frå Skog til bord vart i år arrangert for andre gong. Stor stas å sjå at fleire av deltakarane frå året før stilte opp på ny. Til saman deltok 13 ungdomar frå Lesja, Skjåk og Lom.

I samarbeid med Skjåk Almenning fekk ungdomane delta på storviltjakt og slakting. Ove Lilleengen på Sota Sæter inviterte alle inn på kjøkkenet for å lage noko godt av elgen vi fekk tak i. Skytesimulatoren til Skjåk jegar og fisk var også eit populært innslag og vart flittig brukt i løpet av dei fire dagane på Sota. Takk til alle frivillige jegarar og hundar som stiller opp og bidreg til å gjera dette mogleg.

Turar for flyktingar

Styremedlem og ivrig stolpejagar Bente B. Bråten inviterte med seg flyktingar frå Vinstra på stolpejakt. Eit populært lavterskeltilbud der ho i løpet av fire turar hadde med til saman 35 deltakarar.



Foto: Anita Haugen

I samarbeid med vaksenopplæringa i Skjåk vart det arrangert tur til Storsæterfossen i Geiranger, opplæring i stolpejakt og Bretur på Bøverbreen.



Foto: Iver Lund Aakre

Kurs og Sosiale media

Kurs

Året 2023 starta med fyrstehjelpskurs og pizzakveld for turleiarar på Vinstra. Dette vart ei lærerik økt for dei 24 som deltok. Kurshaldar Kai Rune Kveen med erfaring frå ambulansen og Røde kors kom med mange døme og konkrete tips.



Foto: Anita Haugen

Skredkursa for ungdom på Lemonsjøen var populære og vart fort fullteikna. Til saman 15 ungdomar fekk lære meir om trygge vegval, kameratredning og skred i løpet av to gratis dagskurs.




Foto: Anita Haugen

På slutten av året vart det gjennomført ferskingkurs i både Lom og Skjåk. Her fekk flyktningar frå Ukraina gjennom ei kursrekke på 4 gonger lære meir om Allemannsretten, kart og kompass, klede og utstyr, mat og drikke på tur, bål, lage mat ute og om DNT.

Sosiale media

Sidan turprogrammet for 2023 kun var digitalt på vår nettside og facebook, var sosiale media særskilt viktig for oss i året som gjekk.

DNT Gudbrandsdalen har 4220 følgere på facebook og 2767 følgere på Instagram. Av desse er det 70% kvinner og 30% menn. Mindre enn 3% av følgjarane våre er under 24 år. Dei aller fleste er mellom 45 og 54 år og aller flest kvinner. Nesten 20% av følgjarane er frå Oslo eller Lillehammer.

Dei innlegga og arrangementa på facebook som har flest visningar er dei som blir likt av mange eller delt. Dersom folk trykker at dei er interessert i eller skal på eit arrangement aukar antal visningar svært mykje.

På Instagram er det 2000 - 5000 som ser reels-videoane som bli lagt ut. På bilete er vi sjeldan over 1000 visningar. Likevel er antall likerklakk ganske likt på begge og ligg mellom 50 - 100 stk. I løpet av året som gjekk vart det delt 28 innlegg på Instagram frå turar, kurs og aktivitetar.

Framover må vi tenke på korleis og kvar vi kan nå ungdomane? Korleis kan vi bruke Instagram eller andre kanalar til å reklamere for turar og ikkje berre vise bilete og videoar av turar som har vore.



Foto: Helle Hovden

Styret 2023



Styret 2023

Det vart i løpet av 2023 gjennomført 8 styremøter der eit av møta var ei styresamling med overnatting i Leirvassbu. Av desse møta vart 4 stk gjennomført på teams. Dette er effektivt med tanke på både tidsbruk, kjøring og utgifter.

Eit tema som har vore oppe på mange møter er prosjektet med hytte i Skjåk. Kasseraren har på kvart møte orientert om økonomien. Andre tema som har vore oppe er gapahuken ved Svintjønn, Øvre Skar, Turprogram, påskjønning til våre turleiarar, handlingsplan og reiserekningar. Leiar for seniorgruppa og dugnadsgjengen deltok på eit møte.

Oversikt styret

Leiar: Arnt Sveen, Vingrom/Skjåk

Nestleiar: Odd Andre Morken, Lesjaverk

Kasserar: Egil Tofte, Sør-Fron

Skrivar: Bente Brustuen Bråten, Nord-Fron

Styremedlem: Imbert Kleiven, Lalm

Styremedlem: Kirsti Myrhaug, Vågå

Styremedlem: Irene Karin Nystuen, Sel (Trakk seg)

Vara: Oda Espelund Vollan, Sel (gjekk inn som styremedlem)

Vara: Tea Karoline Mork, Skjåk

Valkomite

Åsta Kristine Bjorli, Lesja

Magnar Bratlien, Nord-Fron

Nils Arne Haugen, Lom

Stigruppa

Helle Hovden, Nord-Fron

Seniorgruppa

Gitte Bertelsen, Nord-Fron

Dagleg leiar

Anita Haugen er dagleg leiar og har vore tilsett i 100% stilling i heile 2023. Ho bur og har kontor plass i Skjåk.

Hytte

Avtale om overdragelse av historiske bygninger



Foto: Anita Haugen

Etter langt og godt samarbeid med Stiftelsen Kaare Berg vart avtala om overtagelse signert i mai 2023. På bilete f.v. dagleg leiar i SKB Dag Steen, styreleiar i SKB Anne Gro Enger, styreleiar i DNT Gudbrandsdalen Arnt Sveen og Eiendomsutvikler i SKB Jo Haaken Rønning.

Tomt

Det har vore mange befaringar på hyttetomta i Skjåk gjennom året. I juni var heile styret i DNT Gudbrandsdalen og tre representantar frå Stiftelsen Kaare Berg på synfaring.

Oppmåling av tomte vart gjort i august saman med grunneigar Skjåk Almenning.



Foto:

I forbindelse med SKB sitt besøk i Gudbrandsdalen nytta vi også høve til ein tur. Etter ein triveleg kveld på Vianvang gjekk turen til Vesle Galdhøpiggen for nokre og Galdhøpiggen for resten.

Byggesøknad



Illustrasjon

Hausten vart brukt til å skrive byggesøknad. Med uvurderleg hjelp frå arkitekt Krisitian Ødegård vart søknaden fedig rett før jul.

Det er søkt om å setja opp tre bygningar som til saman vil danne eit lite tun. Ramloftet som opprinneleg kjem frå Gudbrandsdalen blir hovudhytta og vil få 8 sengeplasser. Numedalsstua vil få ein liten kjøkkenkrok og 4 sengeplasser. Garasjen vil bli brukt til toalett, vedskjul og lager.

Midt i tunet blir det ei manuell vannpumpe, men ikkje innlagt vatn. Hyttetunet får innlagt straum som i hovudsak vil bli brukt til belysning da varmekjelda blir vedfyring.

Kunnskapsoverføring

På vegen frå Snarøya til Skjåk vil desse gamle bygningane bli nytta til kunnskapsoverføring av tradisjonshandverk. Tusen takk til Sparebankstiftelsen DNB som har gjeve 450 000 kr til prosjektet.

Møter og representasjonar

Landsmøte Trondheim

DNT sitt landsmøte i 2023 var i Trondheim. Frå DNT Gudbrandsdalen deltok styreleiar Arnt Sveen, Nestleiar Odd Andre Morken, Magnar Bratlien frå Landsstyret og dagleg leiar Anita Haugen.

Tema denne helga var felles medlemskontingent for alle DNT foreningar, revisjon av DNT sine vedtekter og veivalg for 2026 - 2031.



Foto: Arnt Sveen

Fredag kveld inviterte Trondhjems turistforening på tapas og konsert på festningen.

Ledersamling Klækken

På årets ledersamling deltok styreleiar Arnt Sveen, Magnar Bratlien frå Landsstyret og dagleg leiar Anita Haugen. Denne helga var vi samla på Klækken hotell og diskuterte veivalgsprosess, medlemskapsavtale og satsingsområder.

Landsstyret

Magnar Bratlien vart gjenvalgt i Landsstyret på Landsmøte i Trondheim. Vi er glade for at Magnar bidreg i landsstyret som ein god representant frå Gudbrandsdalen i to nye år.

Opning av Leirvassbu som DNT hytte



Foto: Anita Haugen

Leirvassbu vart opna som DNT hytte til påske 2023. På bilete ysnkjer dagleg leiar i DNT Oslo og omegn, Henning Hoff Wikborg, Arnt Sveen og Magnar Bratlien velkomne.

Takk til Henning for invitasjon, god mat og triveleg lag.

Samarbeidspartnarar, medlemsutvikling og økonomi

Samarbeidspartnarar

Det er svært gledeleg at SpareBank1 Fjellbanken og SpareBank1 Gudbrandsdal i januar 23 valte å inngå ei ny toårsavtale som hovudsponsor for DNT Gudbrandsdalen. Dette gjev ei årleg inntekt på 30 000 kr. Samarbeidet bidreg til at vi kan tilby enda fleire turar og kurs.

Årleg søker vi kommunane i heile Gudbrandsdalen om kulturmidler. Dette utgjorde i 2023 ei inntekt på 49 500 kr.

Økonomi

Våren 2023 gjekk vi over til nytt regnskapssystem. Dette førte til litt ekstra hovudbry i starten, men fungerer no godt og gjer at vi no har enda betre rutiner. Styret meiner no å ha god kontroll på økonomien og innestående på bankkonto utviklar seg positivt over tid.

Grasrotandel

Dei 35 som i 2023 gav sin grasrotandel til DNT Gudbrandsdalen har bidrege med heile 13 090 kr. Dette set vi utruleg stor pris på og ser eit potensiale for å få fleire til å gjeva sin andel til oss.

Medlemsutvikling

Det er gledeleg at antall medlemmar held fram å auke også i år.

Familie hovud-medlem	Hovud-medlem	Ung-dom	Senior	Ufø	Livs-varig	Barn	Skule-ungdom	Husstand s-medlem	Totalt	Diff
297	467	47	197	17	14	34	4	117	1184	+4,1



Deltakarar på turar og aktivitetar 2023

Dato	Tema	Namn på tur	Turleiarar	Kommune	Deltakarar	Nivå
jan.	kurs	Fyrstehjelpskurs	Kai Rune Kveen	Nord-Fron	24	●
18. jan	senior	Tur til Krokhaugen i Harpefoss	S. og K. Brendhaugen	Sør-Fron	6	●
4. feb	ung	Skredkurs for ungdom, Lemonsjøen	Fyrst og fremst	Vågå	6	●
5. feb	barn	KDU-dagen - Akedag Trabelia	Klaussen og B. Løkken	Ringebu	80	●
5. feb	barn	KDU-dagen på Gålå	Maria Underhauegn	Sør-Fron	20	●
5. feb	ung	Skredkurs for ungdom, Lemonsjøen	Fyrst og fremst	Vågå	9	●
7. feb	senior	Fullmånetur på truger til Øvre Skar	Gitte Bertelsen	Nord-Fron	4	●
5. mars		Skitur i Langsua	Tove og Arne Dahlen	Nord-Fron	Avlyst pga vind	●
18. mars		Skitur frå Sota til Dønfoss	Arnt Sveen	Skjåk	9	●
17. - 19. mars		Randohelg for ungdom	Anita Haugen	Lom	Utsatt pga få påmeldte	●
20. - 23. mars		Overnatting i Snøhole og Slæom	Anita Haugen	Skjåk	28	●
25. mars		Besseggen på ski	Sveen og Haugen	Vågå	12	●
26. mars	ung	Ljosåbelgen på ski	Eirik Kallåk Larsen	Sel	6	●
22. april	senior	Vårtur i Solbråmorka - Breilegan	S. og K. Brendhaugen	Sør-Fron	5	●
11. mai		Stolpejakt for flyktningar i Sorperoa	Bente B. Bråten	Sør-Fron	14	●
22. mai		Stolpejakt for flyktningar Vinstra	Bente B. Bråten	Sør-Fron	8	●
24. mai	senior	Solbrådammen til Kleivsætra	B. K. og T. Wangen	Sør-Fron	20	●
1. juni		Øvre del av Augladalen	Amund Grytting	Sør-Fron		●
3. juni	senior	Rudiomnan, skogstur	Elin Marit Andgard	Dovre		●
7. juni	kultur	Kveldstur langs Skodalsåa kulturstig	Brenden og Tofte	Sør-Fron	8	●
7. juni		Stolpejakt for flyktningar i Sødorp	Bente B. Bråten	Sør-Fron	5	●
8. - 11. juni	senior	Langhelg på Runde	Bertelsen og Enger	Sunnmøre	6	●
9. - 11. juni		Fotokurs i Peer Gynts rike	Monica H. Moer	Nord-Fron	avlyst få påmeldte	●
15. juni		Stolpejakt for flyktningar, Sandstjern	Bente B. Bråten	Sør-Fron	8	●
17. juni	senior	Grimsdalsvegen - rundtur	Elin Marit Andgard	Dovre	?	●
17. juni		Rondaståk - tur til Skjerellkampen	S. og K. Brendhaugen	Gålå	5	●
18. juni	barn	Barnevennleg tur til Trabelifjella	Klaussen og B. Løkken	Ringebu	17	●
19. juni		Storsæterfossen i Geiranger	Israelsen og Haugen	Geiranger	18	●
20. juni		Stolpejakt for flyktningar i Dønfoss	Israelsen og Haugen	Skjåk	18	●
21. juni	senior	Peer Gynt stigen - Sødorpfjellet	Gitte Bertelsen	Nord-Fron	avlyst	●
24. juni		Vinsåshornet	Sveen, Moer og Haugen	Geiranger	9	●
25. juni		Homlungsætra og Skagedalssætra	Sveen, Moer og Haugen	Geiranger	12	●
26. juni	ung	Introduksjon klatring ute for ungdom	Fyrst og fremst, Haugen	Lom	avlyst 1 påmeldt	●
27. juni		Bretur for flyktningar	Fyrst og fremst, Haugen	Lom	8	●
28. juni	ung	Ungdomstur på Veslepiggen	Fyrst og fremst, Haugen	Lom	avlyst ingen påmeldte	●
2. - 6. juli		Prideruta 2023 - Tafjordfjella	Bolstad, Solvang, Haugen	Skjåk...	21	●
5. - 6. juli	ung	Frå Jostedalen til Sota på FjellPride	Israelsen og Stadsvold	Skjåk	avlyst få påmeldte	●
6. juli	ung	Dagstur til Sottjønnebue	Israelsen og Stadsvold	Skjåk	sjukdom	●
8. juli		Pridemarsj Sota Sæter	Sveen og Haugen	Skjåk	85	●
8. juli		Pridegames på Sota Sæter	FjellPride komiteen	Skjåk	30+50	●
12. juli	senior	Sprenpiggen (1336 moh)	Arne Skuterud	Sør-Fron	5	●
17.-18. juli		Tur for barnefamiljar - Rondvassbu	Slåen, Wollan, Israelsen	Sel	12	●
19. juli	senior	Kvamsfjellet - Sødorpfjellet	Arne Skuterud	Nord-Fron	6	●
21.-22. juli	ung	Tur med overnatting på Fanaråkhytta	Haugen	Lom	avlyst 1 påmeldt	●
27. juli	barn	Familietur på Galdhøpiggen	Brekum, Fyrst og Fremst	Lom	43	●

Deltakarar på turar og aktivitetar 2023

Dato	Tema	Namn på tur	Turleiarar	Kommune	Deltakarar	Nivå
7. aug	ung	Klatreparken på Bjorli	Anita Haugen	Lesja	ekstremvær	●
8. aug		Pilegrimsleden Hundorp - Vinstra	Per Gunnar Hagelien	Nord-Fron	ekstremvær	●
9. aug		Pilegrimsleden Vinstra - Kvam	Per Gunnar Hagelien	Nord-Fron	ekstremvær	●
15. aug	ung	Via Ferrata i Heidal	Anita Haugen	Sel	avlyst fåe delt.	●
19.-20. aug		Ridehelg på Slangen seter	Anita Stasbergløkken	Skåbu	fåe delt.	●
26. aug		Rundtur Svartvatn - Skardbua	B. og J. Krogsveen	Ringebu	regn + fåe	●
3. sept.	barn	Kom deg ut- dagen Ulbergskogen	Klaussen og B. Løkken	Ringebu	37	●
13. sept	senior	Tapastur	Bertelsen, Agøy og Engum	Nord-Fron	28	●
22.-24. sept		Yoga og fjellhelg på Slangen seter	Monica H. Moer	Nord-Fron	7	●
9. okt	ung	Grottetur i haustferien	Fyrst og fremst, Haugen	Lom	7	●
10. okt	ung	Bretur i haustferien	Fyrst og fremst, Haugen	Lom	16	●
12. okt	senior	Englestien - Fefor	Berit K. Wangen	Nord-Fron	21	●
14. okt		Dugnad i Øre Skar	Helle Hovden	Sør-Fron	4	●
12.-15. okt	ung	Friluftskulen frå skog til bord, Sota	Israelsen, Haugen	Skjåk	13+28+23+36	●
17. okt		Ferskingkurs del 1	Anita Haugen	Lom	12	●
1. nov		Ferskingkurs del 2	Anita Haugen	Lom	11	●
15. nov		Ferskingkurs del 3	Anita Haugen	Lom	12	●
15. nov		Ferskingkurs del 1	Anita Haugen	Skjåk	17	●
29. nov		Ferskingkurs del 4	Heidrun Israelsen	Lom	13	●
29. nov		Ferskingkurs del 2	Anita Haugen	Skjåk	13	●
6. des		Ferskingkurs del 3	Anita Haugen	Skjåk	14	●
15. des		Stolepjaktavslutning Lom og Skjåk	Sveen, Haugen	Skjåk	15	●
16. des		Nissetur	Sveen, Haugen	Skjåk	85	●
20. des		Ferskingkurs del 4	Anita Haugen	Skjåk	16	●

Totalt deltok 1056 store og små på turar og kurs i regi av DNT Gudbrandsdalen i 2023.

Av dei 69 turane og kursa som var planlagt vart 54 gjennomført. Nokre vart avlyst grunna dårleg vær og andre pga få påmeldte.

Det er ein nedgang på antall gjennomførte turar frå året før, men om lag like mange deltakarar totalt.

Gjennomsnittet på antall deltakarar på kvar tur har derfor auka og er i år 19,6.



Turen starter med 

